


出曜經

古籍

才二十

四百廿六
殿十

50868
9



元祿九年丙子二月日重脩

皇國聖國 帝階級呂

佛日增輝 懋輪常轉

山城州天安寺法金剛院置

去
門
白

出曜經卷第二十

姚秦三藏 竺佛念

梵志品第三十四

所謂梵志 不但裸形 居嶮卧棘 名為梵志
亦時有一比丘至世尊所頭面禮足白世尊
言唯然世尊自今已後聽諸弟子皆悉裸形不

著衣服世尊告曰咄愚所戾不應法律此梵
志之法非是內藏所修行也人懷慙愧便有
尊卑高下知有父母兄弟何為復說裸形行
世亦時復有一異比丘詣佛所頭面禮足白
世尊言唯然世尊自今已後聽諸道人各留
頭髮佛告比丘咄愚所戾不應法律此梵志



之法非是內藏所修行也復有異比丘詣世尊所頭面禮足前白世尊言唯然世尊聽諸道人皆白灰塗身復有異比丘白世尊言自今已後聽諸道人服氣不食復有比丘白世尊言自今已後聽諸道人裸形露地卧世尊告曰咄愚所戾復有異比丘頭面禮足白世尊言唯然世尊自今已後聽諸道人在浴池沐浴清淨佛告比丘不以此法得至乎道棄身無倚不誦異言兩行以除是謂梵志昔佛在波羅柰國仙人鹿野苑中尔時世尊度五比丘未經數日尔時波羅柰國有一長者名曰夜輸種姓豪族饒財多寶顏貌端正

世之無雙歎一日之中得非常觀自觀家裏
男女之屬斯如死身無一可念視已形體塚
間無異即從座起並作是說惑愚至深不別
幻化介時長者即自捨家逃走出城脫琉璃
履屣價直一萬即度江水奔趣世尊頭面禮
足在一面立尋白佛言世尊世事多故變易
非一万物幻化不可恃怙我今自歸欲求無
爲安樂之處佛告長者善哉善哉族姓子賢
聖法中甚大寬弘正是汝身之所願樂介時
長者聞如來教歡喜踊躍不能自勝介時世
尊漸與說法所謂論者施論戒論生天之論
欲不淨想漏爲大患介時長者聞斯法已即

於座上諸塵垢盡得法眼淨彼以見法得法
成就諸法即從座起重自歸命頭面禮足白
世尊言唯然天中天聽在道次出家學道佛
告長者善來比丘鬚髮自落自然法服重聞
說法得羅漢道尔時長者家中父母兄弟男
女儀從嚴駕象馬追蹤求覓夜輸長者到江
水側見琉璃履父自思惟我子將渡江水必
然不疑所以知其然今脫此琉璃履價直億
万吾今渡江所在求覓即渡江求遙見世尊
光相炳然至世尊所頭面禮足白世尊言唯
然世尊頗見夜輸童子遊此過乎佛以神足
隱彼夜輸比丘使父不見佛告長者汝今求

子不如自求汝但速坐吾與汝說法長者尋
坐佛爲說法即於座上諸塵垢盡得法眼淨
尔時世尊即捨三昧使父見子父告子曰汝
速還家汝母憶苦恐汝不還佛告長者止止
長者勿作斯語云何長者如有修行之人本
在學地愛欲未盡後得無學離於學地欲使
無學之人習於學法於長者意云何爲可尔
乎長者對曰不也世尊佛告長者汝子今日
以得無著住無學地長者當知以得無著焉
得還家習於五欲長者聞之歡喜踊躍即起
禮子五體投地自歸真人永無所著尔時世
尊即與長者而說斯偈

棄身無倚不誦異言兩行以除是謂梵志
今世行淨後世無穢無習無捨是謂梵志
人執邪見至死不改計常之人不與斷滅見
相應斷滅見不與計常見相應能捨此見不
著三世是故說曰今世行淨後世無穢無習
無捨是謂梵志

若倚與愛心無所著已捨已正是滅終苦
初習行之人雖在學次未能分別思惟道果
一一明了不失其緒未獲者獲未得者得是
故說曰若倚與愛心無所著已捨已正是滅
終苦諸有無所

諸有無所倚恒習於正見常念盡有漏

是謂爲梵志

猶如大象從寸孔出欲得出城門不容象衆人見之各各驚愕謂彼象曰汝今出於寸孔往來無難然欲出城反更不受是以聖人借以爲喻衆生之類雖得出家修習道法不能盡有漏成無漏心解脫智慧解脫是故說曰諸有無所猗恒習於正見常念盡有漏是謂爲梵志

愚者受鬚髮

并及床卧具

內懷貪濁意

校飾外何求

愚者不自覺長養其髮所以剃髮者剃其結使非但剃髮愚人執迷長養其髮以爲校飾

過去恒沙諸佛之法各各相授剃除鬚髮法
服齊整自古有之非適今日今日愚人貪著
卧具然我法中制以三衣不畜遺餘樹下塚
間以此爲常廣說如其本內懷邪見興貪濁
意外自校飾謂爲無瑕捨迷就道其法不惑
是故說曰愚者受鬚髮并及珠卧具內懷貪
濁意校飾外何求也

被服弊惡 躬承法行 閑居思惟 是謂梵志

修行之人被服麁惡不著校飾思惟法行無
所貪求節言省語不鬪亂彼此是故說曰被
服弊惡躬承法行閑居思惟是謂梵志

見癡往來 墮漸受苦 欲單渡岸 不好他語

唯滅不起 是謂梵志

夫人執癡意不開悟亦復不能越次取證恒在嫌疑不淨之地此則非淨行之人斷諸有漏永盡無餘是謂梵志是故說曰見癡往來墮漸受苦欲單渡岸不好他語唯滅不起是謂梵志

截流而渡 無欲如梵 知行以盡 是謂梵志
若使以水沐浴其身得至於道者水性之類皆稱於道但非沐浴而至於道分別諸法審諦其義清淨無瑕衆結智行永盡無餘是故說曰截流而渡無欲如梵知行以盡是謂梵志
不以水清淨 多有人沐浴 能除弊惡法

是謂爲梵志

夫人沐浴不能去腹裏垢盡除惡法更亦不造乃名爲梵志是故說曰不以水清淨多有

人沐浴能除弊惡法是謂爲梵志

稱吉爲梵志

謂能滅衆惡

是則爲道人

所謂沙門者未必剃除鬚髮內有正行應於律法乃應爲沙門夫爲梵志終日稱吉得生梵天者見人盡當生於彼處但彼稱吉生於梵天謂能滅衆惡修清淨行是故說曰非剃爲沙門稱吉爲梵志謂能滅衆惡是則爲道人

彼以無二 清淨無瑕 諸欲結解 是謂梵志
盡捨一切弊惡之法 出入行來周旋之處 言
不及殺不害一切無所傷損 清淨無瑕永無
諸縛是故說曰 彼以無二清淨無瑕 諸欲結
解 是謂梵志

出惡爲梵志

入正爲沙門

棄我衆穢行

是則爲捨家

梵志之行 去諸惡法 內外清淨 衆穢永盡 不
懷希望 貢高於人意 定不移覺悟 一切諸法
之本 梵行已立 所作已辦 更不復受 有修清
淨行 無所遺失 是故說曰 出惡爲梵志 入正
爲沙門 棄我衆穢行 是則爲捨家

人無幻惑意。無慢無愚惑。無貪無我想。
是謂爲梵志。

人之在卅不懷幻惑梵志自謂言百劫一過
大海之中自然有幻惑食取天下人去謂憍慢
不興想著如來至真等正覺離卅八法不染
於卅亦名爲比丘亦名爲沙門亦名佛是故
說曰人無幻惑意無慢無愚惑無貪無我想
是謂爲梵志

我不說梵志

託父母生者

彼多衆瑕穢

滅則爲梵志

所謂梵志從父母生多諸瑕穢或復出家離
諸卅俗修清淨行無選擇施平等無二不雜

想施或復施時求作國王生天此名雜想之
施無雜想施者盡爲一切不自爲己是故說
曰我不說梵志託父母生者彼多衆瑕穢滅
則爲梵志

身口與意

淨無過失

能攝三行

是謂梵志

出言柔和初無罵詈分別義趣如掌貫珠音
響清淨聽者樂受多所成就淨無過失不觸
媯人是故說曰身口與意淨無過失能攝三
行是謂梵志

見罵見擊

默受不怒

有忍辱力

是謂梵志

擊人得擊罵人得罵皆由不忍致此患害夫
能忍者戰中爲上忍爲良藥能愈衆病若有

罵者默然不對是故說曰見罵見擊默受不怒有忍辱力是謂梵志

若見侵欺 但念守戒 端身自調 是謂梵志
若復有人所見侵欺不興惡懷有瞋怒意守戒多聞降伏意識身正影直心平道存是故說曰若見侵欺但念守戒端身自調是謂梵志
世所善惡 脩短巨細 無取無與 是謂梵志
世俗方略事有若干欲察人情先採其語說善說惡不記乎懷不見有長短廣狹亦復不見有取有與具足如是行者是謂梵志是故說曰世所善惡脩短巨細無取無與是謂梵志
身為行本 口意無犯 能辦三處 是謂梵志

身不行殺口不惡罵意不嫉妬於五鼎沸世能
具此三行者乃名爲梵志是故說曰身爲行
本口意無犯能辦三處是謂梵志

來不作懼

去亦不憂

於聚離聚

是謂梵志

彼習行人持心牢固毀譽不動見有來者不
孚用歡設見去者亦不用憂若在大衆若復
離衆心恒平等亦無高下是故說曰來不作
歡去亦不憂於聚離聚是謂梵志

來亦不歡

去亦不憂

無真清淨

是謂梵志

若見愛念不愛念者亦不用作懼所以然者
恐心深著興起因緣設見去者便自念言我
於彼人各無所犯內外清淨息意不起亦名

爲梵志是故說曰來亦不歡去亦不憂無憂
清淨是謂梵志

以斷恩愛 離家無欲 愛有以盡 是謂梵志
如彼行人修習於道永斷恩愛離家無欲遠
逝無礙盡諸有愛缺三界漏能具足如此者
乃名梵志是故說曰以斷恩愛離家無欲愛
有已盡是謂梵志

適彼無彼 彼彼以無捨離貪欲 是謂梵志
所謂彼者外六入也所謂無彼者內六入也
行人執意觀內外諸情斯悉虛寂捨離貪婬
不興六情具足如此衆行之本者乃名爲梵
志是故說曰適彼無彼彼以無捨離貪法

是謂梵志

適彼無彼 彼彼以虛不染三處 是謂梵志
彼習行人解知內外皆無結使不著欲界色
界無色界能具足如此衆行者乃名爲梵志
是故說曰適彼無彼彼彼以虛不染三處是
謂梵志

能捨家業 拔於愛欲 無貪知足 是謂梵志
夫人離家莫與世俗從事正使出家若見不
修其法毀戒不精進亦不多聞者不應與坐
起從事更不思惟當來利養能具如此者乃
名梵志是故說曰能捨家業拔於愛欲無貪
知足是謂梵志

如今所知 究其苦際 無復有欲 是謂梵志
於見法中能分別微妙無有衆惡知苦是衆病
之原首能斷此者乃應於妙於見法中不與
欲意共相應瞋恚愚癡永盡無餘離諸縛著
能具如此者故名爲梵志是故說曰如今所
知究其苦際無復有欲是謂梵志

於罪與福 兩行永除 無憂無塵 是謂梵志
正使有福七俗有漏善本功德得爲人身由
故不脫生老病死又復作罪種三惡本經歷
生死罪之與福二不足貪兩行永除無復塵
垢能具此行者是謂梵志是故說曰於罪與
福兩行永除無憂無塵是謂梵志

於罪與福 兩行永除 三處無染 是謂梵志
福之與罪無欲無汚中間禪樂無色禪樂行
人盡捨無所染著不著三界欲界色界無色
界能解此具足者乃名梵志是故說曰於罪
與福兩行永除三處無染是謂梵志

猶如衆華葉

以鍼貫芥子

不爲欲所染

是謂名梵志

猶如蓮華之葉不受塵水彼修行人亦復如
是以離於欲不復著色聲香味細滑法猶若
以鍼欲貫藍豆及與芥子難可獲也彼修行
人無有婬欲略說其要不爲惡所染是故說
曰猶如衆華葉以鍼貫芥子不爲欲所染是

謂名梵志

心喜無垢 如月盛滿 謗毀以除 是謂梵志
猶若月盛滿清淨無瑕穢無有五翳眾星圍
遶放大光明靡所不照彼比丘清淨行人永
除五翳無復五結心得解脫諸覺道品眾定
正受而自圍遶於中獨尊無有眾瑕捨世八
法毀譽以除能具此行者故名爲梵志是故
說曰心喜無垢如月盛滿謗毀以除是謂梵志
如月清明 懸處虛空 不染於欲 是謂梵志
如秋時月不爲五事所翳清淨無瑕放大光
明靡所不照修行比丘亦復如是不爲婬怒
癡五結所翳能具此行者故名爲梵志是故

說曰如月清明懸處虛空不染於欲是謂梵志
避諍不諍 犯而不愠 惡來善待 是謂梵志
彼入定人不起諍訟禪定一意念待喜安自
守五行具足乃名爲定設有惡意來相向者恒
以善待是故說曰避諍不諍犯而不愠惡來
善待是謂梵志

解微妙慧 辯道不道 體行上義 是謂梵志
諸有人聞籌量筭計畝度万物分別義趣一
一分明辯其道趣可就知就可捨知捨體行
上義所謂上義者滅盡泥洹是能具足此法
者故名爲梵志是故說曰解微妙慧辯道不
道體行上義是謂梵志

諸在人間乞索自濟無我無著不失梵行
設智無崖是謂梵志

或有貴族姓子從四姓中出家學道捨憍慢
意去高就下不著榮華在在處處周旋往來
興有佛事恭奉三寶若得衣食牀卧具病瘦
醫藥便為呪願使彼施家世世受福或以神
足騰在虛空作十八變施主見者莫不歡喜
便從受法皆得開悟能具此行者故名爲梵
志是故說曰諸在人間乞索自濟無我無著
不失梵行設智無崖是謂梵志

若能棄欲去家捨愛以斷欲漏是謂梵志
如彼行人盡能斷欲親近道門愛而不捨或

有梵志未盡究竟欲意未斷貪著五樂雖稱
梵志不離於欲諸有學人永滅欲漏不習恩
愛能具足此行者故曰為梵志是故說曰若
能棄欲去家捨愛以斷欲漏是謂梵志

慈愍於人 使不驚懼 不害有益 是謂梵志

衆行之要四等為本恒當慈愍加被衆生見
有恐懼懷憂惱者便往恤化永處安隱無害
於人興致供養能具此行者名曰梵志是故
說曰慈愍於人不使驚懼不害有益是謂梵
志

避怨不怨 無所傷損 去其邪僻 故曰梵志
行人執意志操不同用心平等設見怨家視

如赤子慈心普等平均無二猶若忍心如地
平等如秤蛸飛蠕動蚊行喘息視如己身念
之如父念之如母念之如子念之如身而無
有異能具此衆行者名曰梵志是故說曰避
怨不怨無所傷損去其邪僻故曰梵志

于後于前及中無有無操無捨是謂梵志

猶如有人於未來世不作衆惡行以不作當
不作於過去世不作衆惡行以作衆惡行以
不作當不作現不作及其中門作衆惡行不
作衆惡行以不作當不作現不作能捨此衆
惡行者故名爲梵志是故說曰于後于前及
中無有無操無捨是謂梵志

去姪怒癡 憍慢諸惡 鍼貫芥子 是謂梵志
如彼行人欲為汚心不得至於虛寂之道除
去憍慢諸不善法便得漸進至泥洹境猶若
鍼貫芥子終不可得彼心亦復如是不為姪
怒癡繫所拘礙能具此行者是謂梵志是故
說曰去姪怒癡憍慢諸惡鍼貫芥子是謂梵志
城以漸為固 往來受其苦 欲適渡彼岸
不肯受他語 唯能滅不起 是謂名梵志
生死久遠涉苦無數唯有禪定之人越此生
死之難去邪疑意無復猶豫捨煩惱結使受
清淨結使能具此者故曰為梵志是故說曰
城以漸為固往來受其苦欲適渡彼岸不肯

受他語唯能滅不起是謂名梵志

人能斷愛 今亦後世 有愛以盡 是謂梵志

愛根未盡則不至道愛根以盡者乃能爲道
欲求道者不斷三界結使則不至於道能斷
愛根然後乃至於道能具足此者故名爲梵
志是故說曰人能斷愛今亦後世有愛以盡
是謂梵志

人無希望 今世後世 以無希望 是謂梵志

所謂希望者天下万物皆人之所希望然此
希望故未斷絕如今見身未死見存於世正
使後世取其命終身死神逝無復希望能如
此功德具足者名曰梵志是故說曰人無希

望今世後世以無希望是謂梵志

自不識知 天捷杳和 知無量觀 是謂梵志

當佛如來坐禪之時諸天世人竟不知佛今

為所在有一比丘名曰多耆耆往至世尊所

便以此偈而讚如來曰

歸命人中尊 歸命人中上 不審今世尊

為因何等禪 唯願天中天 敷演其教誠

如來自說梵行之中無有出我者所以知其

然禪解脫正受定意猶是世之常法諸天龍

神不能知我之所在況我當行佛事眾智之

妙門天龍鬼神能知我處乎是故說曰自不

識知天捷杳和知無量觀是謂梵志

自識宿命 見天人道 知生苦原 知心永寂
自識宿命無數劫事觀知地獄天上之事餘
者不能唯有佛如來至具等正覺觀三千大
千世界如掌觀珠知生苦原究暢其本捷疾
之智速成羅漢道隨意所念而無流滯是故
說曰自識宿命見天人道知生苦原知心永寂

自知心解脫 脫欲無所著 三明以成就
是謂為梵志

如彼行人知心所念解脫者不解脫者皆悉
明知欲想諸行永得解脫所謂三明者自識
宿命漏盡若見足如是行者名曰梵志是故
說曰自知心解脫脫欲無所著三明以成就

是謂爲梵志

自識於宿命

知衆生因緣

如來佛無著

是謂爲梵志

是時如來知無數事觀衆生性行一一分明
生者死者皆悉了知猶如天雨普潤世界是
時世尊觀生死之類亦復如是生者死者無
不觀練

尔時世尊與舍利弗在閑靜室獨共遊處尔
時有人已取命終處在中陰精神不移佛告
舍利弗汝今觀此中陰中識神爲從何許中
來設復遷轉爲處何所是時舍利弗即入四
禪定意觀此人神爲從何來設當遷轉爲處

何處時舍利弗不知此人爲從何來爲趣何處
尔時世尊告舍利弗曰汝今所見不及諸佛
境界此神所從來處此無數世界非汝神力
之所能見佛告舍利弗汝復觀此精神當生
何處時舍利弗復入三昧而不知精神所湊
舍利弗即從三昧起前白佛言今日入定徧
觀世界不知神之所湊佛告舍利弗此神今
日復當過一倍世界當生某甲家姓某字某
如來所見非是聲聞辟支佛所及知宿命通唯
有如來等正等覺得此宿命通是故說曰自
識於宿命知衆生因緣如來佛無者是謂爲
梵志如來無所著於一切諸法無染無汚欲

論梵志者我身是

盡斷一切結

亦不有熱惱

如來佛無著

是謂爲梵志

諸有衆生斷一切結使羅漢辟支雖斷結使
由有相似結在諸佛世尊無有相似是故如
來佛無所著是故說曰盡斷一切結亦不有
熱惱如來佛無著是謂爲梵志

仙人龍中上

大仙最爲尊

無數佛沐浴

是謂爲梵志

所謂仙人者得五通道在群最尊無有出上
內外清徹無有衆瑕仙者亦名爲象長育形
體獸中最大執意剛強能却衆敵無數沐浴

所謂沐浴者八解正浴池去諸塵垢無有結
使如來舒手手所及處塵垢不著伺察惡人
不得其便是故說曰仙人龍中上大仙最爲
尊無數佛沐浴是謂爲梵志

所有盡無 渡流無漏 從此越岸 是謂梵志
彼修行人都越一切諸法審諦分明解世所
有悉無所有所謂流者流有四名一名欲流
二名有流三名無明流四名見流渡此四流者
然後乃得無漏之行羅漢辟支猶尚思惟空
無相願忍煖頂法雖可思惟有漏俗法意結
所在或有是時欲念無漏先念無漏是以如
來深藏則有大關如來大聖繫意禪定從有

至無於無漏法觀未始有闕得諸揔持強記
不忘十力四無畏大慈大悲三無礙道及神
足行是謂如來所修之法非羅漢辟支所修
之法是故說曰所有盡無渡流無漏從此越
岸是謂梵志

無禪無說

亦不念惡

禪智清淨

是謂梵志

彼修行人不念惡禪夫入禪之人無言無說
常思善法設見罵詈但守其法若得味相應
禪及中間禪執意守之無所燒惱能具足此
行者故名爲梵志是故說曰無禪無說亦不
念惡禪智清淨是謂梵志

比丘塚間衣

觀於欲非真

坐樹空閑處

是謂名梵志

塚間衣有四種一者發家著衣出家學者二者檀越施衣受而守護三者百衲捨諸遺餘四者塚間污穢不淨如來初學發家著衣觀欲非真捨六万夫人棄轉輪聖王位出家學道在閑靜之處在樹王下降伏魔王被斗八億衆能具此衆德者故名爲梵志是故說曰比丘塚間衣觀於欲非真坐樹空閑處是謂名梵志

人無識知 無語無說 體冷無暖 是謂梵志
如來出世無事不知無事不包無語無說者
永除狐疑不懷猶豫諸煩惱結使永盡無餘

逮甘露滅能具此衆行故名爲梵志是故說
曰人無識知無語無說體令無暖是謂梵志
棄捐家居無家之異逮甘露滅是謂梵志
所以作居家者安以人民得自在活身者衆
結之屋室是以聖人教人離家在於閑靜求
甘露滅度具足如是衆德者故曰梵志是故
說曰棄捐家居無家之畏逮甘露滅是謂梵志
斷絕世事口無麁言八道審諦是謂梵志
如來卅尊光相炳著初轉法輪八万諸天及
二王人梵志七人摩竭國王苾沙万二千人摩
竭國界石室之中釋提桓因万二千天拘尸那
竭國最後度須拔佛滅度後當有羅漢出卅

名曰優波崛於其中間濟度衆生不可稱計
演說八道無礙之法是故說曰斷絕世事口
無麁言八道審諦是謂梵志

遠逝獨遊 隱藏無形 難降能降 是謂梵志
如彼行人興無崖之想散無邊之念身形在
此心在海表人欲觀意知其形狀者甚爲難
剋心意流馳彈指之頃過數千萬億江河山
表是以故說遠逝獨遊復有問者心者十大
地法心爲十一何以故說遠逝獨遊乎報曰
心者恒逐因緣隨前任行當以在色聲介時
無有香味細滑法當心在香介時無有色味
細滑法在味無色香細滑法心在細滑介時

無色聲香味法在法無上五事當在色時心
爲法本猶如王行羽儀儼從無不備有但以
王爲名此亦如是心造因緣十法備有但不
受名亦如飛鳥飛行空中依其六翮然但以
鳥爲名此亦如是心之無形亦無窠窟非是
世人肉眼所見依止五陰陰散則離非有形
質心之難化猶木鑽鋼是以聖人遺教後生
欲降伏心者晨用百藥中用百藥暮用百藥
空無相願止觀滅盡用療心病使得除愈能
具此者故曰梵志是故說曰遠逝獨遊隱蔽
無形難降能降是謂梵志
無色不可見 此亦不可見 解知此句者

念則有所由 覺知結使盡 是世最梵志
無色不可見者何者心也夫心興患與身招
殃猶若象馬剛強隴戾不調有目之士加於
捶杖使知楚痛然後調良人心為患牽致地
獄餓鬼畜生雖得為人處在卑賤顏色醜陋
為人所輕是故說曰無色不可見此亦不可

此明結盡

見解知此句者念則有所由覺知結使盡是
世最梵志諸佛世尊所以出世者正欲降此
弊惡之心諸佛世尊慈愍一切弘慈普蓋靡
所不照雖處於世無所染著

斷生死河 能忍超度 自覺出漸 是謂梵志
如彼行人為五欲所繫流轉生死之河要須

大聖指授權宜從此岸得至彼岸如來降形
非事不豫要接有緣後乃滅度慚者憍慢之
慚能度此慚不為憍慢所繫能具此者故名
為梵志是故說曰斷生死流能忍超度自覺
出慚是謂梵志

當求截流渡

梵志無有欲

內自觀諸情

是謂為梵志

能知如是者

乃復為梵志

如彼行人不斷愛流四駛四淵者進趣於道

不亦難乎如何暴溢必有所傷梵志貪欲死

趣惡道是以如來誠以除貪與說欲本污穢

不淨當斷諸邪使不流馳能具此衆行者故

名為梵志是故說曰當求截流渡梵志無有

欲內自觀諸情是謂為梵志能知如是者乃名為梵志

先去其母王及二臣盡勝境界是謂梵志
先去其母者愛心流馳以為原本無漏意識
能去斯病使盡無餘二王者我慢也二臣戒
盜身見盡勝境界者一切諸結使能去眾結
之患故曰為梵志是故說曰先去其母王及
二臣盡勝境界是謂梵志

不捶梵志不放梵志咄捶梵志放者亦咄
所謂梵志者得阿羅漢道不得以手捲刀杖
加彼真人不放梵志者此是真人恒當供養
衣被服飯食床卧具病瘦醫藥四事供養令

不減少。咄捶梵志行惡之人。放者亦咄。復是惡人。不留供養飲食床卧具。病瘦醫藥能具。此行故名爲梵志。是故說曰：不捶梵志不放。梵志咄捶梵志放者亦咄。

諸有知染法

不問老以少

審諦守戒信

猶祀火梵志

昔佛在世周旋教化時。諸比丘不廣多問。亦時世尊便作是念。今諸比丘多有懈怠。意不精勤。復自觀察當來過去三世之事。知當來世當有比丘嫉妬恚癡不順道教。便興誹謗。損如來法。輕慢於師。亦復不敬說法之人。是以世尊觀察後世遺法中間。恐有老少共相

上下尊卑不別老恃耆艾少恃聰叡老者自
陳吾所目覩非卿所知汝今所見如螢火垂
少者自陳老頑囂鹵情喪心塞有何可歸如
來教曰當自守誠猶若事火梵志五處然火
晝夜承事不失時節香華繒綵事事供養是
故說曰諸有知深法不問老以少審諦守戒
信猶祀火梵志歸命人中尊亦如事火神
諸有知深法 等覺之所說 審諦守戒信
猶祀火梵志

如來出現億千萬劫時時乃出遭賢遇聖實
不可得人能守戒信不失儀如祀火梵志昔
佛在世誠諸比丘自今已後不得誦外書外

道異學所誦習者何以故彼所陳說非真正
義亦復不是至道之本是故說曰諸有知深
法等覺之所說密諦守戒信猶祀火梵志真
誠歸命佛

於已法在外

梵志為最上

一切諸有漏

皆盡皆無餘

或復觀於痛

皆盡皆無餘

或復觀合會

皆盡皆無餘

或復觀因緣

皆盡皆無餘

於已法在外者外修行人觀了一切眾法無

事不關無事不知猶若梵志知天文地理星

宿災變皆悉觀了一切諸漏皆盡無餘觀諸

苦痛若好若醜皆歸於盡觀其合會必有離

別因緣暫有亦復歸滅

猶若內法本

梵志為在表

若使共床蓐

如彼婆鈎盧

所謂內法者四諦真如一一分別不失次緒
梵志於內則謂為表是故說曰猶若內法本
梵志為在表若使共床蓐如婆鈎盧者此婆
鈎盧比丘出家以來未曾與人說四句之義
正使與共同坐不聞說其正法從生至老八
十一鉢和藍未曾畜沙彌弟子及餘使人若
人為鮮潔託志虛無繫意去寂是故說曰
若使共床蓐如彼婆鈎盧
猶如內法梵志在表 知生知老 轉當至死

所謂內法者不誑惑人一向而無傾一偏而無邪唯有如來能越此境界以盡其生更不受有如實知之是故說曰猶若內法梵志在表知生知老轉當至死

日照於晝 月照於夜 甲兵照軍 禪照道人
佛出天下 照一切冥

日照於晝者當日天子初出之時放億百千萬光明使星宿月光無復光照若復日沒之時月及星宿皆共覓明俱有所照其明不同猶若大將之士兩敵相向揚威奮武決戰勝負震赫精刃鐘鼓雷鳴禪定之人移山飛岳海水揚塵手捫日月有此神力不自稱譽方

此諸人雖有此德不及如來佛出世間衆相
具足放大光明靡所不照光明所及晝夜不
絕其見光者聾盲瘖瘂考掠苦痛自然休息
是故說曰如日照於晝月照於夜卸兵照軍
禪照道人佛出天下照一切冥

梵志無有是有憂無憂念如如意所轉

彼彼滅狐疑

梵志無有是意著於殊妙之法見樂不以爲

喜見憂不以爲感如如意所轉恒自念善彼

彼自滅惡得習聖諦分別諸使是故說曰梵

志無有是有憂無憂念如如意所轉彼彼滅

狐疑

出生諸深法
梵志習入禪
能解狐疑網
身知其苦痛

如來等正覺初成佛時七日之中禪定正受
思惟十二因緣一一分別知起知滅亦時如
來即從三昧起而說斯偈

出生諸深法
梵志習入禪
能解狐疑網

身知其苦痛

如我所習積行所致今日成等正覺實而不
虛梵志習入禪去諸惡法悉壞狐疑網於諸
深法得無礙智所念自在深知苦際深知因
緣合數之法權詐非實略誦其要當觀因緣
法復當觀盡法一切諸法皆由合數一切諸

法皆由於痛當知盡滅不造有漏

出生諸深法 梵志習入禪 遍照一切世

猶日在虛空

法能成人非法不就晝夜思惟不去曾懷身

口意行不妄有犯能成就此法便能照一切

法以己所得盡施衆生猶若明日處在虛空

普有所照其有覩者莫不蒙光是故說曰出

生諸深法梵志習入禪遍照一切世猶日在

虛空

出生諸深法 梵志習入禪 能却魔衆敵

如佛脫衆垢

出生諸深法者如來成等正覺具足三十七

道品之法身口意行與無漏相應降伏魔怨
進却時宜如來正覺脫一切結使

出曜經卷第二十

戾

正作惡

鼎

音頂

愠

於反

思律

操

七刀反

蛸

紆反

蠕

零帝反

炊

一

許勿反

作

歛

流

離

屐

上作

珠

正

蕙

殿

音軟

渠移反

這

適

二同下

暝

暖

二同下

閑

靖

下字

靜

波

緼

下求

正作

岨

翻

開甬反

鑽

鋼

上音

子官

反

慵

悞

上

孔

反帝

下

耆

艾

上渠

夷

反

聰

下

羊

囂

上

音

魯

作

奮

方問

捫

音

吾

蓋

反

叡

下

羊

囂

上

音

